

საიდ. №69359/03

IR1130929

გ ა დ ა წ ყ ვ ე ტ ი ლ ე ბ ა № 201-03/13

საქართველოს ინტელექტუალური საკუთრების ეროვნული ცენტრის „საქართველოს“ სააპელაციო პალატის კოლეგიამ შემდეგი შემადგენლობით: ქ. ეგუტია (თავმჯდომარე), ქ. ქემაშვილი, დ. ჭიჭინაძე, ქ. კილაძის მდივნობით განიხილა კომპანიის „ჰენკელ აგ & კო. კგაა“ („Henkel Ag & Co. KGaA“) (გერმანია) სააპელაციო საჩივარი, რომლითაც მოითხოვება საქართველოს სასაქონლო ნიშნებისა და გეოგრაფიული აღნიშვნების დეპარტამენტის უფროსის 2013 წლის 30 აგვისტოს №1814/03 ბრძანების ბათილად ცნობა. აღნიშნულ ბრძანებაზე თანდართული ექსპერტიზის დასკვნის თანახმად, სარეგისტრაციოდ წარმოდგენილ ნიშანს „COLOR 1“ (საიდ. №69359/03) არ აქვს განმასხვავებლობა განცხადებული საქონლის მიმართ, ვინაიდან შედგება სიტყვისაგან, რომელიც ხშირად იხმარება ამ სფეროში და ერთი სტანდარტული ციფრისაგან, რაც წარმოადგენს „სასაქონლო ნიშნების შესახებ“ საქართველოს კანონის მე-4 მუხლის პირველი პუნქტის „გ“ ქვეპუნქტის თანახმად სასაქონლო ნიშნის რეგისტრაციაზე უარის თქმის საფუძველს.

კოლეგიამ განიხილა სააპელაციო საჩივარი, ექსპერტიზის მასალები და მოიხმინა რა მხარის ახსნა-განმარტებები

გ ა მ ო ა რ კ ვ ი ა :

აპელანტი კომპანიის წარმომადგენელი შალვა გვარამაძე მოითხოვს საქართველოს სასაქონლო ნიშნებისა და გეოგრაფიული აღნიშვნების დეპარტამენტის უფროსის 2013 წლის 30 აგვისტოს №1814/03 ბრძანების ბათილად ცნობას და განცხადებული სასაქონლო ნიშნის „COLOR 1” რეგისტრაციას განცხადებული საქონლის სრული ჩამონათვლისათვის.

აპელანტი არ ეთანხმება ამ გადაწყვეტილებას და აღნიშნავს, რომ სასაქონლო ნიშანზე განაცხადის წარდგენასა და რეგისტრაციასთან დაკავშირებული მოქმედი ინსტრუქციის მე-3 მუხლის პირველი პუნქტის „ბ” ქვეპუნქტის თანახმად, „სასაქონლო ნიშნად არ რეგისტრირდება სიმბოლო ან სიმბოლოთა ერთობლიობა, რომელიც შესაბამისი საქონლის მიმართ არ არის განმასხვავებელუნარიანი, რადგან შედგება საქონლის მხოლოდ სახეობის, ხარისხის, რაოდენობის თვისების, დირებულების, დანიშნულების, გეოგრაფიული წარმოშობის, გასაღების ადგილის, დროის ან საქონლის სხვა მახასიათებლებისაგან ან შეიძლება მიჩნეული იყოს ასეთად; ან საყოველთაოდ გამოიყენება როგორც გარკვეული სახის საქონლის გვარეობითი ცნება; ან წარმოადგენს სამოქალაქო ბრუნვაში იმ საქონლისათვის დამახასიათებელ საყოველთაოდ დამკვიდრებულ სიმბოლოს ან ტერმინს, რომლისთვისაც მოითხოვება მისი რეგისტრაცია.

ამავე ინსტრუქციის მე-3 მუხლის პირველი პუნქტის „ბ” ქვეპუნქტის თანახმად კი „სასაქონლო ნიშნად არ რეგისტრირდება სიმბოლო ან სიმბოლოთა ერთობლიობა, რომელიც შედგება მხოლოდ ერთი ასოს ან ციფრისაგან, რომელსაც არა აქვს ორიგინალური გრაფიკული შესრულება”.

აპელანტი თვლის, რომ საერთაშორისო სასაქონლო ნიშანი „COLOR 1” წარმოადგენს ორი, სიტყვიერი და ციფრული, სიმბოლოს ერთობლიობას და ის არ არის არც მხოლოდ განცხადებული საქონლის ცალკე აღებული მახასიათებელი, არც მხოლოდ ერთი სტანდარტული ციფრი და აქედან გამომდინარე ის არ შეიძლება მიჩნეულ იქნეს არაგანმასხვავებელუნარიან სიმბოლოდ მე-3 კლასის განცხადებული საქონლისათვის.

აპელანტის განმარტებით, მის მიერ წარმოდგენილი და ისმოს საერთაშორისო სასაქონლო ნიშნების ინტერნეტ ბაზიდან ამობჭჭდილი მასალებიდან ჩანს, რომ სასაქონლო ნიშანი „COLOR 1” რიგი ქვეყნების როგორიცაა: გერმანია, დიდი ბრიტანეთი, ირლანდია, სლოვენია, უკრაინა, მონტენეგრო, სინგაპური, ბენელუქსის ქვეყნები, სლოვაკეთი, იტალია, კვიპროსი, უნგრეთი, თურქეთი -

საპატენტო უწყებებმა არ ჩათვალის არაგანმასხვავებელუნარიანად განცხადებული საქონლის მიმართ და მათ მიენიჭათ დაცვა ამ ქვეყნებში.

აპელაციი ითხოვს, სააპელაციო პალატამ გაითვალისწინოს ზემოთ ჩამოთვლილი გარემოებები, ბათილად ცნოს საქატენტის სასაქონლო ნიშნებისა და გეოგრაფიული აღნიშვნების დეპარტამენტის უფროსის 2013 წლის 30 აგვისტოს №1814/03 ბრძანება და განცხადებული სასაქონლო ნიშანი „COLOR 1” დარეგისტრირდეს განცხადებული საქონლის სრული ჩამონათვლისათვის.

კოლეგიამ განიხილა მხარის არგუმენტაცია და მიიჩნია, რომ სააპელაციო საჩივარი არ უნდა დაკმაყოფილდეს და ძალაში უნდა დარჩეს საქატენტის სასაქონლო ნიშნებისა და გეოგრაფიული აღნიშვნების დეპარტამენტის უფროსის 2013 წლის 30 აგვისტოს №1814/03 ბრძანება.

„სასაქონლო ნიშნების შესახებ” საქართველოს კანონის მე-4 მუხლის პირველი პუნქტის „გ” ქვეყნების თანახმად, „სასაქონლო ნიშნად არ რეგისტრირდება, სომხოლო ან სიმბოლოთა ერთობლიობა, რომელიც არაგანმასხვავებელუნარიანია სესაბამისი საქონლის მიმართ.

კოლეგია მიიჩნევს, რომ განცხადებული ნიშანი „COLOR 1” არაგანმასხვავებელუნარიანია მე-3 კლასის განცხადებული საქონლის მიმართ. სიტყვა „COLOR” აღნიშნავს ფერს და პირდაპირ მიუთითებს საქონლის სახეობაზე, იმ სახეობაზე რომლის მიმართაც მოთხოვნილია ნიშნის რეგისტრაცია, კერძოდ საშუალებები თმის გასაღიავებლად, შესადებად და ა.შ. უფრო მეტიც, ციფრი „1” მომხმარებელმა შეიძლება აღიქვას, როგორც მითითება პროდუქტის, საქონლის ხარისხზე, კონკრეტულად კი აღიქვას მითითებად იმაზე, რომ ეს საქონელი არის „უმაღლესი”, „საუკეთესო ხარისხის” თმის მოვლის საშუალება, ლიდერი ბაზარზე.

რაც შეეხება აპელაციის არგუმენტს, რომ ნიშანი მიჩნეულ უნდა იქნეს არაგანმასხვავებელუნარიანად თუ იგი შედგება მხოლოდ განცხადებული საქონლის ცალკე აღებული მახასიათებლისაგან ან მხოლოდ ერთი სტანდარტული ციფრისაგან, ამ შემთხვევაში კოლეგია ვერ გაიზიარებს, რადგანაც მიუხედავად იმისა, რომ განცხადებული ნიშანი შედგება აღნიშვნა „COLOR” და ციფრი „1”, არც ერთ მათგანს, არც აღნიშვნა „COLOR”, ისევე როგორც ციფრ „1” არ გააჩნია განმასხვავებელუნარიანობა. იმ შემთხვევაში, როდესაც ნიშანში არსებულ არც ერთ ელემენტს ცალკე აღებულს არ გააჩნია განმასხვავებელუნარიანობა, ნიშანი მოვლიანობაშიც ვერ იქნება მიჩნეული ასეთად.

ყოველივე ზემოთქმულიდან გამომდინარე, კოლეგია მიიჩნევს, რომ არსებობს „სასაქონლო ნიშნების შესახებ” საქართველოს კანონის მე-4 მუხლის პირველი პუნქტის „გ” ქვეპუნქტით დადგენილი განცხადებული სასაქონლო ნიშნისათვის რეგისტრაციაზე უარის თქმის საფუძველი. ძალაში დარჩეს საქატენტის სასაქონლო ნიშნებისა და გეოგრაფიული აღნიშვნების დეპარტამენტის უფროსის 2013 წლის 30 აგვისტოს №1814/03 ბრძანება.

სააპელაციო პალატის კოლეგიამ გაითვალისწინა ზემოაღნიშნული გარემოებანი და იხელმძღვანელა „სასაქონლო ნიშნების შესახებ” საქართველოს კანონის მე-16 მუხლით, სსიპ საქართველოს ინტელექტუალური საკუთრების ეროვნული ცენტრის – საქატენტის თავმჯდომარის 2011 წლის 18 მარტის №02 ბრძანებით დამტკიცებული საქატენტოან არსებული სააპელაციო პალატის დებულების მე-15 მუხლის პირველი პუნქტის „გ” ქვეპუნქტით და

გ ა დ ა წ ყ ვ ი ტ ა :

1. კომპანიის „ჰენკელ აგ & კო. კგაა” („Henkel AG & Co. KGaA”) სააპელაციო საჩივარი არ დაკმაყოფილდეს.
2. ძალაში დარჩეს საქატენტის სასაქონლო ნიშნებისა და გეოგრაფიული აღნიშვნების დეპარტამენტის უფროსის 2013 წლის 30 აგვისტოს №1814/03 ბრძანება.
3. გადაწყვეტილება შეიძლება გასაჩივრდეს მცხეთის რაიონული სასამართლოს ადმინისტრაციულ საქმეთა კოლეგიაში გადაწყვეტილების გაცნობის/ჩაბარების დღიდან ერთი თვის ვადაში. (მის.: მცხეთა, სამხედროს ქ. №17).

კოლეგიის თავმჯდომარე:

გ. ეგუტია

წევრები:

გ. ქემაშვილი

დ. ჭიჭინაძე